

ادبیات کمر و مہر محمد علی

ہفتہ لق سیاسی ، علمی و ادبی غزتہ در

جلد : ۲

سنہ : ۲ ۷ ربیع الاول ۱۳۳۶ ۲۲ کانون اول ۱۹۱۷ نومبر ۱۶ — ۴۷

احمال و فکر

طلبہ عثمانیہ و اروپا

ممالک عثمانیہ دن ، دائماً ، طونیا لاتولرلہ اوروپایہ خام مواد ، یوٹک ، ایپک ، دری ، آفیون کیدیور . بونلر ، اورادہ ، غرب عقل وسعینک التحاق وانضمامیلہ ایشلمش برمتاع ، طریف برقوستوم ، نارین ، وشفاف برچارشاف ، کوزل وصاغلام برقوندرہ ، برشیشہ دوای شافی شکندہ اصلہ رجوع ایدیور .

عجا ، بونک کبی ، بورادن غربہ ایشلمش مش سرمایہ آدمی کوندروب ، ایشلمش امتعہ انسانہ جلب ایتک قابلیدر ؟ بوجھتک ، شیحدیلک ، تدقیق فضولیاتدندر . شوقدر وارکہ تا سلطان محمود عدلی عہدندن بری ، مملکت مزده صنف مجدد وممتاز بوفکرہ قناعتکار اولدیغندن ، بعضاً آرز ، اکثریتلہ چوق ممالک غربیہ و بالخاصہ فرانسیہ طلبہ کوندرمشدر .

آرہ دن تقریباً بر عصر کچدی . شوخاربه عمومہ رأس تاریخسندہ کوچک بریلانچو تنظیم ایتک اقتضا ایدر . کندی کندضرہ صوراریز : اولاً - کیدنلر تغرب ایدرک ابنای غربک خصائل آلیہ سنہ تمثیل ایتدیلر می ؟ ثانیاً - بونلر دن وطن و ملت مستفید اولدیمی ؟ ثالثاً - شہراہ تکاملدہ توقف ویاتدنی ایدن بر ہیئت ، جبرمافاة ایتک ، ایلر یلک ایچون بویلمی حرکت ایتلی ایدی ؟

ظنمز سراپای خطا و ذہول دکلسہ ، شواسئلہ ثلثہ بزم ایچون برنجی درجہ دہ جائز اہمیت مواد غامضہ و معضلہ در . اوروپانک بر جاذبہ سی وار : حیات مادیہ ومعنویہ اورادہ دہا طاعتی . اذواق واشواق دہا زیادہ اودیاردہ دہا فضلہ و دہا ای یاشانیور . اوروپایہ پرکیدن دکل ، اورانک جریان حیاتی طویان و بنا رسملرینی کورہن بیلہ کشور افرنجک مسحور آہنکی اولیور . بناء علیہ ، بر جوجق ، اوروپایہ کیتک احتمالی ذہنیہ برلشدیرر برلشدیرمز ، کلین اولہ جفنی قوران برقیزکی ، معناً بر بحران ومستی لطیفہ اوغرییور . لکن ، اطفال جائز پایہ رشد اولدقلرندن کیندیلرینک بویابدہ بر رأی ومطالعہ سی اولہ ماز .

اگر تورک‌کارک موغول نسلندن منشعب اولمسی احتمالی اولمش اولسه ایدی، هیچ جنکیز خان احفادندن اولان بهادر خان (اوشال شجره ترکی) نام اثرنده موغوللر ایله تاتارلری تورک‌عراقته انتساب ایتدیریری ایدی؟

(هندستانه سکیتیاسی یعنی ترکستانه هندی)

(کوچوک سکیتیا) ویا (اوروپا سکیتیاسی) ایله (آسیا سکیتیاسی) نه اوچنجی بر سکیتیا دخی علاوه ایتک ایجاب ایدرکه اوده (هندستان سکیتیاسی) یعنی (ترکستان هندی) دره. بوسکیتیا (طوخارستان) [۱] Tocharistan سکیتلری اولان (طوخارلر) اسکندرک وفاتندن سوکره آسیاده تأسس ایدن حکومت یونانیه دن بری بولونان (باختر) ولایتی Bactriane [یعنی بلخ خطه سنی] تقریباً میلاددن ۱۲۶ سنه مقدم یونانیلردن استرداد ایله دکن سوکره اولجه اسکندرک فتح ایتش اولدینی هندستان قسمی دخی دائره حکومتلرینه علاوه ایله یه رک بو صورتله (سند) نهرینک دلطه سیاه ساحلینی و ساحل یساری حوالیسندن یعنی شمیدیکی حاله نظراً هندستانده کاش (مولتان) و (سند) خطه لرینک جهت غربیه لرله افغانستان و بلوچستانک جهت شرقیه لرند و (طوخارستان) ایله (باختر) خطه سندن متشکل بر دولت عظیمه وجوده کتیرمشلردرکه بو مملکته یونانیلر (هندستان سکیتیاسی) نامی ویرمشلردر .

(بطلمیوس) کندی زماننده موجود اولان بوسکیت حکومتی بری شمالی و دیکری جنوبی اولق اوزره اسم مخصوصلریله ایکی قسمه تفریق ایدر . ایکی بیک سنه مقدم تشکل ایله مش اولان بو تورک دولتک حکمدارلری (باختر) جهتده قالمش اولان یونانیلرک لسانلریله اخلاق و صنایعنی محافظه ایله دکن باشقه کندیلریده مدنیت یونانیه یه تابع اوله رقی ضرب ایتدیرمش اولدقلری سکهلرده (یونان و باختر) پادشاهلری عنواتی استعمال ایله مشلردر .

[۱] کتابلریم زده (طوخارستان) شکلنده یازیلان بوتورک خطه قدیمه پی شمیدی افغانستانه تابع اولوب بلخ خطه سنک شرقنده کاشندر .

مقاعد ارکان حربیه فریق

انور

شهرزاده « بایزید » [۱]

احمد رفیق بکه

حاجاه انسانلرک فساد اخلاقنه بادیدر . هله ریاست دنیویه نك اك یوکسکی اولان پادشاهلغه ارتقا ایدن انسانلر بوموقع بالاترینی ضیاعه اوغرا تمامی ایچون اللارندن کلنی یاقمده قصور ایتزلر، رقیبلرینک ازاله وجودینه ، حق حیاتدن محرومیتلرینه قدر ایلری کیدرلر . حتی غریبدرکه انسان دینلن مخلوق عجیب بویه یوکسک بوموقع صاحبی اولدجه دها خلوق ، و ابنای جنسنه ، علی الخصوص اقارب و خویشاننه قارشی دها متواضع و مشفقدر . فقط برکره اولوردن یوکسکدی ، اطرافنده کیلره حکم

[۱] سرگذشت حیاتی بدبخت (جم) ککنده دها الیم اولان شهرزاده بایزیده دائر یازمده اولدیغمن اثرک کریزگاه مقامنده کی ایکی اوج فصلنی شمیدین انظار قارئینه عرض ایلورز . م . ذ

ایده جک بر درجه یه کلدیمی ارتق طبایع دکشیر ، ابراز انار جبروت وعظمته باشلار . یالکز
 کندیسنک موقعه کوزدیکنلری دکل ، ای کوتو ، حقلی حقسنز ویره جکی اصرارک اجرا سنده ادنا
 مرتبه تعال و تراخی کوسترنلری بیله محوه قاقار ، شفقت سابقه ، خونخوار لاحقه تبدل ایدر .
 بونک مثالی تاریخده پک جوق کوریورز . تاج وتخته کوزدیکدیکی بهانه سیله اوغلانی اولدیرتن
 بابالر ، بر آن اول سندالی حکومت چیقماق ایچون اجلله اولسنی بیله بکله میهرک باباسنی اسقاط ایله
 انعام ایتدیرن اولادلر اوراده عادتاً بر رسم کچید یابارلر . عثمانیلرک اوائل احوالی بر نظر تدقیقدن
 کچیره جک اولور سه ق امثالی خونخوار لقلری اوراده ده کورورز . او ترکرکه کوچه حالنده بولور لرکن
 یکدیگری ایله پک صمیمی ایدیلر . کوچوکار بویوکاره حرمتده ، بویوکار کوچوکاره شفقتده
 قصور ایتزدیلر . او قدرکه لذت استبدادی هنوز طاماش ، صمیمیت وصافیتی حالا بوزولماش اولان
 ایلاک پادشاهمیزک حقیقی اولادی علاءالدین پاشا بالارث والاستحقاق جالس مقام سلطنت اوله بیلیرکن
 بو حقنی کوچک قرداشی اورخانه براقیور ، کندیسی وزراتی درعهده ایتکدن ، ملته ایکنجی درجه ده
 بر ما موریتله خدمت ایله مکدن چکنمه یور . اورخان ده آتیا ادعای سلطنت ایله می ملاحظه سنی
 خاطرنه کتیر مکدن چوق اوزاق بر صافیتله اونک بو خدمتی قبول ایدیور ، الحاصل خلقتک
 امور دنیویه سی درت ال ایله تدویر اولنیور . فقط براز دهها وقت کچوبده ممالک عثمانیه توسع
 ایدیورنجه ، وخصوصیله لذت سلطنت طایفه ایشلر دکشیر ، هان پک آز زمان صکره خلفی
 مراد زماننده اوغلاری بایزید ایله ساوه جی بیننده رقابت باش کوستریور . شهزاده لر بربری
 چکه میور ، بایزید رقیبی اورته دن قالدیرمق ایچون بر جوق حیل و دسائسه مراجعت ایله یور ،
 باباسنه ژورنالر یاغدیوریور ، مرادده او یامش اولان حرص سلطنت اوغلنک ساوه جی پک طرفندن
 موقعده کوزی اولدیغنه و بو خصوصک موقع اجرایه وضعی ایچون بیرانس ولی عهدیله اتقاق ایش
 بولندیغنه دائر اولان اخبارنی محتاج تحقیق کوره رک بروسه قاضیسه یازیور . قورناز بایزید قاضی بی
 الده ایدیور ، و پادشاه شهزاده نک او یله بریت فاسده بسله دیکی بیلدیریلیور . بونک اوزرینه
 زواللی شهزاده نک جاننه قیلیور ، و بوقان ایلریده بکرمی بر شهزاده بی برکونده سنک مصلا ده
 کوستره بیله جک بر فضاحتک ایلاک قانی اولیور . رقیب کورمه مک علتیه معلول اولان بایزید قوصوده ده ،
 باباسنک شهادتی اوزرینه ، پادشاهانی الده ایدنجه ایلاک ایشی غزا وجهادده مشترک اولان ، وعین
 مقصدله اومیدان وغاده بولانان دیگر برادری یعقوب چلبی بی اولدیرتمک اولیور ، تأسف اولور که
 یاننده کی علما کندیسنی بو فعل ممنوعدن منع ایده جک یرده آتیا رقیب اولماق ملاحظه سیله بو قتل کیفیتنه
 رضا کوستریور . بونکله برابر بویله جه باشلایان نائرة رقابت زمان کچدکجه قوتی غائب ایده جک
 یرده بالعکس ازدیاد تأثیر ایلور ، آتیا مدهش آفتلره میدان وبریور . ایشته موضع بحث
 ایتک ایستدیکم شهزاده بایزیدک سرگذشت الیمی ده بو صورتله آتیلان تخمک بویویه رک میدان کتیردیکی
 نمره مدهشه سیدر .

عثمانیلرجه قانونی ، اوروپا لیلرجه بویوک لقبیله طائمش اولان سلطان سلیمان بوتون معناسیله رفاه
 ایچریسنده ایدی . یاوز کی بر بابادن انتقال ایدن واسع ملکنی کندی غیرتی ، و دکرلی اصرارک ،
 فداکار عسکرک انضمام معاوتی سایه سنده کوندن کونه بویوردی . کندیسی مقام سلطنته قعود
 ایتدیکی زمان پک کنجدی ، دهها شهزاده لکی صره سنده ناهل ایتدیکی ایچون جناب حق کندیسنه
 اولادده احسان ایتشیدی . هر درلورنم دنیویه مستغرق اولان سلیمان ارتق برشی دوشونمیور ،

متصل مملکتک بویومسنه ، تحت حکمرانیسنده کی یرلرک عمرانه صرف ماحصل غیرت ایلوردی .
 سفرده اولادیغی ، پای تختهده بولندیغی زمانلردهده شعر وانشا ایله مشغول اولیور ، غایت چالاک ،
 زنده ، شوخ ، قابلیت انخایه مالک اولان لساننه نازک ، ایجه ، اثری ، شفاف برخیالک انضمام
 ایتمش اولمسی سایهسنده پک کوزل شعرلر میدان کتیریوردی . باباسی شاعر اولان بو پادشاهه
 زمانکده بویوک تأثیری اولمشدی . چونکه فضولی کی ، باقی کی اعظم شعرا بودورده یتشمش ، لسان
 ادبیزی تکمل ایتدیرهک - مهم اثرلر وجوده کتیرمشردی . سرای پادشاهی به اودورلرده سفاهت
 کیرمش ، کبارلغه تمایل حسیده باشلامشدی . سفاهت نفسانیتی ، کبارلقده ایجه لکی تولید
 ایله مشدی . دینه بیلیرکه قانونینک دیوانیله باقینک شعرلری ، وبالخاصه حضرت پادشاهک غزللری
 بو تمایلاتک برصراأت انعکاسیدره انسان او عدسه دن شمدی بیله او وقتکی سرایی ، سرایده کی
 گذارش حیاتی کوره بیلیر ، تدقیق ایله بیلیر . زمانک اعظم شعرا سندن عد ایدیله بیلان پادشاهک
 شعرلری اوقونجه کندیلمیشک شدید بر نفسانیتدن ، برحای ذوق ونشئه دن بردن بره اک درین
 بر یأسه ، بر بدبینی به ، بر احتیاج صحت و حیاته دوشدیکی کورولور ، و بوندن طبعی کنیدیسی
 حقنده بر نتیجه چیقارمق قابل اولور :

« خلق ایچنده معتبر بر نسنه یوق دولت کی

اولایه دولت جهانده بر نفس صحت کی

اولسه قوملر صاغیشنجه عمریکه حد و عدد

کله به بو شیشه چرخ ایچره بر ساعت کی »

بو شعر بزه حضرتک اره صره مرض المله اصرار اوقات ایتدیکنی و :

بر نیجه کون شاد ایدوب دوزینه غمکین ایدر

بر قرار اوزره دکدر روز و ماه و سال و چرخ

مصراعی ده وقت وقت شدائد دنیویه به معروض قالدیغنی کوستر .

شعرده « محی » تخلص ایدن پادشاهک حیات سودا کارانه سی دها ای آ کلاشلق ایچون بر

غزل عاشقانه سنی آلیورز .

صورمه عشقک حالتن مجنونه بر دیوانه در .

آچه عشقک سرنی فرهاده کم افسانه در .

صور بکا عشقک رموزین سا که تقریر ایلم ،

جان و باش ترکن اورر عاشق هان پروانه در .

کل تماشا ایله بر صرجه سراین کوکلیک

اشک سرخیله منقش زین اولش خانه در .

غمزه سی قائم ایچر سه دوستلر اولمز عجب

کافر بدمست اوله نک میلی دایم قانه در .

یاره واروب دون کیجه دل دردنی عرض ایلم ،

خوابه واردی کوزلری یاننده صان افسانه در :

نوله یقسم شمع حسنوکه کوکل پروانه سن

دوسم شمع اولیجق پروانه در .

كلشن حسنكده دل سرغن نینه صید ایتمه
زلفی آغنده محبی خالی انك دانه در .

شاعرلری فوق العاده سورلر، اره صره اونلرك اثرلرینی بالذات بنظیر ایدرلر، کندی اثرلرینی بنظیر ایتدیرلر، و الحاصل شعرایی هر وجهه تشویق ایلرلردی . [۱]
ایشته بویه عمومی بر ذوق و نشئه ایله، وکاه و بیکاه حیالک لوازم ضروریه و طبیعیه سندن اولان آجیلقلریله اصرار اوقات ایدرکن شهزاده لکی زمانده دنیایه کیش بولانان سوغلی و قابلیتی شهزاده مصطفی دن بشقه محمد، سلیم، بایزید، دها صکره لری ده جهانگیر کی درت بش ارکیکی اولور، و آیریجه کریه نری ده دنیایه کلیوردی . سلطان سلیمان کنجلیکنده کنجلیکک ایجاباتندن اولان جست و چالا که و هر اموره صحت محاکمه و اعطای قراره قابلیتی سایه سنده ایشلری پک ابی کوریور، کوردیریور، هیچ برطرفدن، نه عائله سی ایچندن ونده مملکتک سائر اقسامندن بر سزلی چقمیور، کندیلری ده داخل اولدینی حالده هر کس رفاه و سعادت اچریسنده یاشیوردی . زمانک شمدی بیله تطبیقی پک فائده لی و الزم اولان اصولی موجبجه شهزاده لک هر بری برر ایالته کوندریلیور، امور و معاملات حکومتک اک خرده تفصیلاتی کوروب اوکریمک اسبابی استکمال اولیوردی . واقعا ایالتله جیقان شهزاده لک هپسی پادشاه اوله مازدی . فقط نوبت حکومت کنديسنه کلن شهزاده بردن بره هیچ بیلمه دیکی بر ایشک باشنه کلیور، بلکه وقتیه یالکز دها کوچک مقیاسده کوردیکی ایشلرک بیوکلرینی یا مقی صره سنک کلدیکنی کوریوردی . اونک ایچون یکی پادشاه ده او مقام علیاده دها ایلك کوندن اعتباراً عجمیلك جکمیور، سفینه دولتی ماهر بر قبودان کی روز کارک دوندوردیکی طرفه دکل منفعتک ایجاب ایتدیردیکی جهته، یالکز دومنی جزئی تحریک سایه سنده سوق ایلوردی . پادشاهلق صره سی کلنه ین شهزاده لرده سنجاقلرده بولمغله ایشلر دها یوانده دوران ایدیوردی، و بوده عظیم بر فائده عد اولیوردی .

چونکه بر شخصک طلبی، اجرا آتی بشقه بر شهزاده لک تکلیفی و فعلیاتی بشقه صورته تلقی اولیور، و نتیجه لر دیگر کون اولیوردی . ایشته بو اصوله قیاساً سلطان سلیمان ده ایلك درت شهزاده سنی مصطفی، محمد، سلیم، بایزیدی مختلف سنجاقلره مأمور ایتمش، و یالکز شهزاده لک اک کوچکی جهانگیر مرکزده و باباسنک جناح هایتنده قالمای سنجاقه چقمغه ترجیح ایلدیکی ایچون یای تختده قالمشیدی . آرتق شهزاده لر مأمور اولدقلری برلرده امور و مصالح عبادی رویت ایدیور، استجلاب دعوات ایلورلردی . بو حاللر بویه کیدرکن پادشاهک یاشی ده ایلریلیور، کنديسی سن کالی یولیوردی . اختیارلق طبیعی کنجلیک کی اوله مازدی . چونکه اختیارلرده کنجلیرده کی عزم و متانت قاله ماز، کچمش سنه لک ویردیکی یورغونلق سببیه وجوددن اسکی فعالیت بکلنه هنر . آرتق اونک ایستدیکی صلح و سکون، عطالت و حضوردر . ایشته قانونی ده بویه اولمشیدی . هله آماسیه سنجاغنده بولنان شهزاده محمدک ۹۵۰ سنه سنده وقوع وفاتی کنديسی ایجه متأثر ایتشیدی . آرتق پادشاه ده حیاتده اسکی لذتی بوله میور، متصل شکایت ایدیوردی . مع مافیه بر طرفدن ده غیرتی الدن براقیور، ینه سفردن سفره قوشیوردی . یالکز اختیارلق تأثیریه سرایده و طیشاریده اوقدر صوزی دیکه نلیوردی . بالخاصه قادینلر سرایده نفوذ پیدا ایتشلر، عادتاً قدرت خصوصنده پادشاهی کولیکده براقشیلردی . قادینلرک اک نفوذلیسی حرم سلطان ایدی . سلیمان کنديسی

آشوری درجه سودیکی ، و سلطان ده بونی بیلدیکی ایچون کندیسنی دائماً نازه چکر ، بوسایه ده ایستدیکنی یایدیریدی . او قدرکه قانونی درد درونی عرض ایتک ، خسته کوکلنه شفا طلب ایله مک ایچون حرم سلطانک آشیانه کیردکجه سلطان خواب غفلته واریور ، قوجه سنک عشقه ، محبته دائر اولان سوزلرینی افسانه تلقی ایلیوردی . بوندن متأثر اوله رقندن ده زواللی پادشاه شعرلر ، غزللر یازیور ، بونلرله عقلنجه متسلی اولق ایستیوردی . پادشاهک حرم سلطاندن صکره پک سودیکی قزی مهرماه سلطان ده ارتق بویومش ، اونی ده رستم پاشایه ویرمشدی . صدراعظم و مکرو حیله ده بنام اولان بو ذات آرتق قائن والده سیله ال اله ویریور ، ایستدیکنی داخلدن کوردیریوردی . اقباله پک حریص اولان بو قادینک بر املی واردی . اوغلی سلیمی ولی عهد ، و صکره ده پادشاه یایدیرمق ! فقط اورته ده بویوک شهزاده مصطفی واردی . باخصوص بو شهزاده یکتلیکیله ، حسن اخلاقیله عمومک توجهنی قازانمش ، ذاتاً حق اولان اوموقعی برده محبت عمومی نی استعجاب سایه سنده بر قات دها ترصینه ایتمشدی . حرم سلطان بونی بیلدیکی ایچون اوغلی اومقامه اصعادک شهزاده نک ازاله وجودیله ممکن اولدیغنه قانمشیدی . بونی ذهننه یراشدیرنجه آرتق بوتون ایشی دسائس ترتیب ایتکدن ، و باباسنه قارشو صغوده حق شیلره تشبث ایله مکدن عبارت اولدی . صره سی کلدکجه شهزاده بی چکیشدیریور ، اونی تبرید ایده جک هان هیچ برسوز اسیرکه میوردی . بر طرفندن ده پادشاهدن صکره نفوذ مطلوب صاحبی اولان دامادینی اله آلمنی دوشوندی . هرکسک بر خسته لنی ، بر ضعیف نقطه سی اولدینی کبی رستم پاشانک ده پاره دردی واردی . قادین پاشانک بو حالی اوکره تنجه ، دها طوغریسی کشف ایدنجه ارتق ایش قولایلاشمشدی . بول بول پاره لر ویرمک ، و او سایه ده ایستدیکنی یایدیرمق ! ایکنجی طرفدن بوکا باشلادی . قانونی آلتشی کچدیکی ایچون ارتق سمرلره کیده من اولشدی ، یاخود بویوک بر ضرورت حس ایتدکجه کندیسنی فضله اذیته قویه حق جراتی قالمامشیدی . بوده حرم سلطان ایچون بر وسیله اولدی . ایران سفرینه کیتمین پادشاهه عسکرک شهزاده مصطفی نی ایستدیکنه دائر مکتوبلر ترتیب ایتدیردی . سلیمان دفتردار اسکندر چلبی بی ، صدراعظم داماد ابراهیم پاشایی اولدیرتدیکندن ، اوغلی شهزاده محمدک اولومنی کوردیکندن بری ذهننی قورقولی دوشونجه لر قاپلامش ، شیخوخت سبیله ده اسکی متانت قلبیه سنه ضعف طاری اولمشدی . قاری پلانلرینی ، رستمک یلان دوزنلرینی فرق ایده مدی ، اونلره آلداندی . هان قالدی ، بروسه به کیتدی ؟ شهزاده مصطفی اوصره ده ال اوپک باباسنک التفانه مظهر اولق ایچون اورایه کلدی ، سبب ورودی کندیسنه بشقه درلو اکلا دلدی ، زواللی شهزاده باباسندن کولر یوز ، طاتلی سوز ایشیده جک ، التفات ، و شفقت کوره جک یرده بویینه جلاد ایی طاقلدی . قرق بر یاشنده ارسلان کبی بر وجودک جلاد النده پارجه لندیغنی باباسنی کندی کوزیله کوردی ، (۹۶۰) . زواللی پادشاه صکره خطا منی اکلا ددی ، صدراعظمی عزل و تبدیل ایتک صورتیه انتقام آلمغه قالدی ایسه ده ایش ایشدن کچدی . بو حادثه پادشاهک اعصابی بوتون بوتون صارصدی ، کندیسنده اسکی قدرت وقوتدن اثر قالمادی .

شهزاده مصطفی نک احای وجودی ایچون سرایده خرم سلطان طرفندن دسائس ترتیب ایدیلیرکن بری طرفده بشقه بری طرفندن دیگر ایکی قرده ش آره سنده ناثره فتنه و قساد کوروکله نیور ، هیچ یوقدن شهزاده لر بر برینه دشمن ایدیلیروردی . شهزاده سلیم اوزمان مغنیساده ، بایزیده کوتاهییه ده

بولیوردی . رستم پاشا صدارت موقعی اشغال ایدنبجه صدر سابق احمد پاشانک یتشدیرمه لرندن
بایزیدلی لالا مصطفی پاشایی میراخورلقده براقایی موافق بولامش ، رتبه سنی چاشنیکیر باشیلغه
تزیل ایتدیردیکی کبی استانبولده قالمسیده مضر تلقی ایدرک متعاقباً صفد سنجاغنه آتدیرمشدی .
بونکلهده کین وغنیطانی ، یاخود خوف وهراسنی بیکهمه مش اوللی که ازاله وجودینی دوشونیور ،
وقتیله شهرزاده پایزیدک معیتند بولتمق واونک منسوبی صایلمق اعتباریله اوفق بروسیله ایله اوتنه کی
عالمه کوندرمک ایچون شهرزاده سلیمک لالالغنه تعیین ایتدیریور .

طبیعت بشر جداً عجیب ، هله احتیاصه مغلوبیت نقطه سندن پک غریبدر . بعض انسانلر واردر که
بولندقلری موقعک محافظه سنی تأمین قصدیله بتون معارضلری اورته دن قالدیرمغه چالیشیرلر ، وکندیلرینه
هیچ بر فناننی طوقونامش ، طوقونمسی ده غیر محتمل بولنش ایکن صرف ایلزیده موقعلرینی طوقونامق
ایچون رقیب تلقی ایلدکلرینی برر صورتله دیار عدمه کیتمش کوزدکجه ممنویت حس ایدیورلر .
فقط بوزوالیلر دوشونیورلر که دنیا دنیلن بوزدار فانی کیمسه یه قالمامش ، آسیاب دهره هرکلن
اوکونوب کیتمش ایکن فنا ایچریسنده بقا آرامقله ، حظوظات نفسانییه یی برقاچ کون فضله جه تطمین
ایچون عالم بقایی ییقمقله طولایسیله کندیلرینه ده ضررایتمش اولیورلر . هله فضله حریصلرک یاپدنلری
فضاحت یانلرینه قالمادیغنی ، عذاب اخرویدن بشقه بویونلرینی جلادالنه تسلیم ایتک صورتیله چوقلرینک
بوجهان سوریده بیله جزای عمللرینی کوردکلرینی بیلدکلری حالد یه احتیاص پدشنده ، خیال
آرقه سنده قوشمقدن منع نفس ایده میورلر . ایکنجی بر قسم دها واردر . و بونلر بوبرنجیلرذن دها
زوالیدر . استقبال خولیا جیلری ! واقعا انسان امیدله یاشار ، نومید اولان برآدمدن قائده دکل
ضرر کلیر . فقط معقول بر امید بسلامک بشقه ، قطعی بر امل تعقیب ایتک یه بشقه در . معقول
امید بسلامنلر جهد واقدامدن ، آسیابه تشبیدن کیری طورمازلر ، موفق اولمه یجه نومید اولمادقلری
کبی مقصدلرینه نائل اولاق ایچون فضاحت ارتکابنده تنزل ایتزلر ، قطعی بر امل تعقیب ایدنلرایسه
جهد واقدامده بولنسه لر ، آسیابه تشبث ایله لر بیله امید موفقیت عرض چهره ابتسام ایده مه یجه
درحال سقوط خیاله اوغرارلر و اودقیقه دن اعتباراً یا بالکلیه علت نومیدی یه دوچار ، ویاخود
دارالشفا ده کی مجانینک بر بشقه درلوسی و فقط دها مدهشی اولاق اوزره بردرد دوا ناپذیره مبتلا
اولورلر . علت نومیدی معلومدر و تأثیراتی ده او آندن اعتباراً یاشامنی زائد کوزمک کبی ضرری
نفسه متحصردر .

اوتنه کینک ایسه یاپه چنی شی بر کلب عقور کبی اوتنه بری یه صالدیرمق ، یتشدیره بیلدیکنی
ایصیروب دیار عدمه یوللامقدر . افترا اونلر ایچوندر ، هتک ناموس بونلر ایچوندر ، والخاصل حائل
امللری تلقی ایلدکلرینی یوق ایتک ایچون هر درلو قیود اخلاقیه یی رفع اونلر ایچوندر . اکثریا
معشوقه قاووشامه دن داراختره کیدن عاشقان شوریده دلان کبی بوجانوارلرده مقصدلرینه نائل اولمه دن
خائب وخاسر کیدرلر ، فقط یه ابنای جنسنه پک چوق ضرر ایقاع ایلرلر . ایشته لالا مصطفی پاشا
بونلردن بریدر . بوتون یاپدینی سلیمی پادشاه یایدیرمش و صکره کنیدیسنی اوکا صدراعظم اولمش
کوزمک ایچون ایدی . انجی دیدیکمز وجهله برچوق حسرتکشلر کبی بوده مرغ املنی صید ایده مه دن
کیتمش ، سلیم پادشاه اولمش ، فقط او صدراعظم اوله مامشدر .